

重修嵐縣志卷之二

城垣

嵐之城垣隋大業十年始建周圍六里又四步至宋知嵐州事王舜臣於故城南改築新城周圍計四里高一丈五尺濠深一丈東南北三門起工於元豐己未之仲夏告成於紹聖丙子之仲秋有郭孚新城記至明正統十三年縣令郝鳳復增築之城高二丈濠深一丈嘉靖十一年知縣吳璋復修水門於城之

東南隅嘉靖二十年知縣張崇德因十九年大遭兵燹又增築之城高三丈濠深二丈嘉靖三十五年知縣李鎔重修建舒嘯樓三十六座敵臺八座浚壑濠隍深濶俱足二丈隆慶四年知縣李用賓感石州之變磚砌女牆建城門樓三座東曰迎曦南曰永康北曰保安萬歷五年巡撫高兵脩蕭軫念邊陲爲防守計請旨磚包城垣委岢嵐州守董督其事仍大發軍壯搬運灰炭本縣知縣張繼勳勸

率士夫黎庶輸財助工併力營造成寅興工  
壬午始落成焉東城南有水門年遠淤壅久  
雨灌損知縣談應春復疏通修整崇正九年  
知縣郝錦復修理城垣